

四庫全書

集部

欽定四庫全書

集部  
道鄉集卷  
九至  
十一

詳校官庶吉士臣吳烜

侍讀臣孫球覆勘

總校官中書臣朱餘

校對官典簿臣劉景岳

謄錄監生臣林大本

欽定四庫全書

道鄉集卷九

宋 鄒浩 撰

詩

雨中

五月沉陰久不開，冷風吹雨滿天街。  
老農且莫愁蠶麥，丞相祈晴已宿齋。

與存之會相國

雨中竹葉不勝翠，風過榴花元自紅。  
門外喧喧正商賈，

與君趺坐入真空

夢閣求仁

朱衣象笏肅賓階  
平昔襟懷向我開  
猶恐孤根自搖蕩  
故傳好語夢中來

登建隆回呈俞秀老

瘦骨峻嶒聳碧峯  
應緣曾住大明東  
道吾埋沒今何處  
少室分張昔已空  
殿閣不移秋際影  
松篁猶韻曉來風  
為人徹困無人解  
借問三生龐德翁

虎丘晚歸呈同遊

虎丘山色最宜秋，山下濺濺亦可舟。  
北去幾年空好夢，東來今日快昏眸。  
邦畿正藹無雙譽，杖履仍逢第一流。  
邂逅高風許追逐，異時應擬峴山頭。

濟明不預虎丘之遊作此寄之

虎據千年一故丘，爾來形勝絕南州。  
池清不礙龍收影，臺迥猶疑石點頭。  
白日青天秋更好，幅巾藜杖曉同遊。  
遙知正擁雙旌坐，直上雲峯一凭樓。

再用前韻答濟明見和

長笑空言謾九丘更攜餘刃佐方州  
老姦不復潛封內佳句終然到筆頭  
秋入江山供遠思路回猿鶴佇清遊  
只應未厭斯民樂還聽鐘鳴十二樓

次韻和通判梁端夫朝奉曉登峴山有作

天宇霜來峴首高爽心先寄雪中橈  
早陪勝集方多暇應念前人不復朝  
鴈影有時搖莽蒼江聲終日上岩堯  
遙知清絕詩成際正似寒窓火欲銷

次韻和端夫席上送樗年

過額紛紛競掃眉，此心直與古人期。  
三年竝席惟夫子，一笑忘言謝小兒。  
江國舊編塵漠漠，帝鄉新路日遲遲。  
儒冠道在無通塞，莫問高門知不知。

寄世美

江南秀色滿崔嵬，上得平山入眼來。  
遙想歸心動朝夕，不應猶待八仙開。

謝端夫惠梁因求餘材

破竹誅茆屋數椽爾來風雨蕩朝昏豈知東閣猶堪廡  
若比膠庠不可園蓬華已甘聊卒歲棟梁誰謂入衡門  
因公起我高堂意更乞餘材千萬根

再用前韻答端夫見和

朝衣暫此擁屏星長笑他時智慧昏不以誠心尊孔氏  
却將吾道奉祇園由來博施能周物曾是寒生亦叩門  
只恐堂成待公落鏡中黃色尚山根

簡襄陽令田世德通直求餘材



百里江天指顧中  
大夫真有古人風  
似聞齋館成功久  
應許餘材入泮宮

次韻和端夫喜望之祈雪有應

誠意通羣祀  
朝來忽已飄  
六花紛汗漫  
千里入均調  
趙璧光凌日  
隋珠暗擲宵  
老農愁自判  
稚子喜來嬌  
化育知難詰  
形容豈易描  
白鹽聊比擬  
黃竹謾謳謠  
談柄迷修塵  
朝衣奪素貂  
豐穰歸嗣歲  
收拾謝枯樵  
淺露先生履  
深齊惠可腰  
思添韋應物  
狂助蓋寬饒  
民食逃艱粒

宸心定解焦樓高天構玉池迴地疏瑤爽韻陪松檜嚴  
聲陋鼓簫亡羊空道路失鶴但雲霄撫運年將往侵人  
鬢欲凋題輿真健筆險句壓寒綃重愧非名士茲焉綴  
下寮主賓參沔渡杖履集山椒故事梁園在風流楚國  
遙瓊瑰爭報復宇宙一漂搖莫訝春來晚春來待此消

次韻慎微雪

萬物歸根後端來兆物華仙姿凝鶴鬣雲路擁羊車但  
喜天時正寧知帝力加有田皆玉粒無樹不瓊花浪說

朱蹄馬空餘白首鴉酒邊深薦爽  
穿處巧藏宏徑斷回  
樵斧波渾倚釣槎高門委金帛  
陰壑蛻龍蛇功茂豐年  
穀名喧好事茶叢輕頰瓦竹  
搖迴動籤牙蝶冷殘初夢  
蜂寒悶兩衙殷勤非俗韻  
瀟灑是生涯火變人窺異軍  
潛夜肅譁暗香迷綻蘂  
新築露平沙寸食方從寄扁舟  
未可拏只應清興在猶似子猷家

一云何當歸屬國誰復念長沙

次韻和慎微雪夜飲歸

籃輦還自斗邊城雪夜乾坤分外清  
我為捐書徑眠去

寒光猶助一窓明

招頽昌曾存之

荆山漢水雪邊春  
滿眼風流見古人  
領略此心誰與盡  
從容高義執難親  
靜搖菴影竹如昨  
清弄池光梅欲新  
知子相忘忘未得  
禪床推倒就車輪

延慶山中呈田世德

雲擁招提自一家  
僧前百鳥正銜花  
長官不怕驚飛去  
猶向山頭放晚衙

簡仲益求紙帳

紅錦暖籠樽酒後，絳紗輕覆簡書前。  
懸知紙帳君無用，斥與邊韶助晝眠。

仲益以帳來且有就榻眠之句復次韻與之

茆屋初成亦可憐，更懸青帳小窓前。  
不嫌索寞無春夢，解使君心合眼眠。

元夕過唐潛亨

乾坤為室月為燈，今夕先生眼倍青。  
笑盡筌蹄聊把手

不知何處是中庭

其二

藏拙堂深不浪開  
夜光容我卷書來  
梅花傲雪初無語  
斗柄催春忽自回

其三

叅禪不學龐居士  
得句猶如孟浩然  
要識從來用心處  
閒無車馬到門前

送谷隱呈同行諸公

窈窕峯巒藏寶刹，崢嶸樓閣倚晴天。我來不問東西寺，  
徑就僧堂借榻眠。

仲益欲歸作此留之

關西關北漸芳菲，曉馬凌春入翠微。山向吾曹正多思，  
不應攬轡屢言歸。

次韻答端夫約春遊

分如松柏老相看，桃李風前共歲寒。只恐功名挽公去，  
一春能得幾遊盤。

次韻答仲益見簡

鏡裏年華鬢未蒼  
春山且喜漸芬芳  
功名富貴時來耳  
底事靈臺著廟廊

次韻和潛亨雪

暖律稽遲太史占  
風前猶復弄威嚴  
不妨豪客成樽俎  
重使斯民困米鹽  
但見青峯皆玉筍  
豈知白屋是茆簷  
何人隱入羣羊去  
應笑痴兒認角尖

又



朝來一色換紛華，眩眼端如醉後車。豈待三年方楮葉，  
雖非八月亦蘆花。李邊照曜河南日，柳外繽紛靖節家。  
欲上雲巖訪禪老，路迷空想舉長叉。

謁武侯道中

萬株桑柘擁江城中，有梅花獨自清。不近樽罍免攀折，  
會須結實助和羹。

其二

先生龍卧此山丘，宇宙曾經幾運籌。一自英雄三顧後，

至今車馬不曾休

其三

萬山山上塔擎天  
萬山山下碑沉淵  
天光淵影曉相入  
一碧萬里青春前

其四

晚雨霏霏江上來  
長江水色蒲萄醅  
鷓鴣鶻鶻得意處  
凌風蕩槳從東回

其五

萬山橫出波面浮山前舟楫凌飛鷗遙看塔廟帶殘日  
蓬萊方丈金鰲頭

送香潛亭

炙背軒楹日轉時博山爐頂駐遊絲先生妙與此心契  
憑仗清香一解頤

次韻答謝公靖節推將至襄陽見寄

不見紫芝今幾年揭來眉宇照山川關南關北風流在  
猶得時時一舉鞭

又

賓主相忘沔水濱  
高風誰與向來親  
君能難黍酬初諾  
我亦齏鹽得此春  
桃李無言方永日  
江山有路正宜人  
直須弄鳳騎龍去  
莫使身為可畏身

送墨潛亨

少室峯前松挿天  
棟梁餘力煥青編  
東齋政欲捐書坐  
往助子雲成太玄

送李拱之秀才還唐州

真淡先生早杜門三香亭上自乾坤人間巧舌猶蠶起  
子獨摳衣識道尊幾日凱風吹戶牖只今歸路指丘園  
將分索我微言贈欲贈微言無可言

送居政禪者遊廬阜

拄杖橫擔得自由冷雲飛雪下南州殷勤要識廬山面  
五老峯前一舉頭

六月六日城外馬上呈世德

峴山脚下江水生普寧寺前舟楫行細民無錢不得渡

老幼相持愁歎聲

又

虎頭鳳麓連長堤隨山刊木路可為長官仁政及物遠  
一時力役民忘疲

仲益遽塞便門作此戲之

閉門不啻似泄柳排闥何由如舞陽憐君肝膽便楚越  
使我南北成參商

謝潛亨惠芸香紫桃

暑窓已覺書生蠹饑腹還驚雨後雷珍重先生解人意  
芸香桃實一時來

聞存之遊京師且邸報達官有薦之者

昨來不肯聽朝雞乞得真宮即日歸老衲蒲團閒共倚  
少師玉麈醉同揮誰知捷徑嵩山在未覺心馳魏闕非  
綠鴨陂中釣竿手只應從此叩黃扉

存之曾有詩云從來釣竿手不解叩

黃扉

次韻和師稷清明懷鄉之什

金瓶梅詞話卷九  
掃盡人間冰雪寒魚龍鱗甲動  
鴟爛向來協氣無蹤跡  
從此氤氳滿世還

眼裏飛蠅日夜侵對時寧復壯  
年心故人把手知難遇  
強起彈冠插舊簪

天路幽禽暖頡頏芝蘭抽砌葉  
初長自憐骨立風光裏  
勉向原頭泣奉嘗

春聲入鼓曉蓼蓼春色盈花晚  
更紅陶冶東君了無意  
一時分付與晴風



冥心無物契昆耶觸處俱為剡水涯却恠年來被春惱  
逢人不覺歎浮家

青鞋布鞵水雲鄉勝踐曾同物外忙欲寄沃州雙淚去  
松陰高冢是星郎

南明山下枕清流宵次塵無一點留只恐少微黃色動  
終然來作濟川舟

高水籠軒翠作行枕書閒聽雨浪浪別來一念終難滅

猶得追論几席傍

軒謂南廳  
文會軒

卷九  
觀象懸知歲有成  
通宵格澤照天明  
餘生飯飽無它事  
坐看紛紛萬物情

三元甲子幾回旋  
前日滄溟今甫田  
惟有交情似春壽  
蟠桃花裏自年年

次韻和永守丁葆光大夫對雪

幾日江雲凝不流  
欲將勝事一齊收  
乾坤破夜端為晝  
草木留春不復秋  
黃竹作歌君得意  
素娥行酒我消愁  
須知身世塵埃盡  
直到廣寒宮裏遊

次韻和葆光晚望

雪晴新興與春俱脫略  
司空城旦書衡嶽帶雲回  
玉輦楚江浮日動金魚故人  
情遠欣相遇夢境時來信  
所如北闕遙瞻念圖報恩  
深猶在免誅鋤

登岳陽樓

岳陽樓上望重湖  
混合乾坤入太虛  
若比恩波未為闊  
此身猶得曳長裾

瀟湘道中

清湘浮影動漣漪  
寒日收光下翠微  
回首君親正無奈  
幽禽俄叫不如歸

極目瀟湘漾碧瀾  
萬峯插水巧彎環  
我來日日忘機坐  
却愛真山似假山

萬死猶輕罪有餘  
恩容循省但流居  
瀟湘二水相逢處  
無復波濤今自如

十月一日

杉松無數擁高墳  
想見今朝奠酒樽  
惟我罪深難赦宥

五千里外慘銷魂

寒食日

祖考流光豈有窮不能肖似忝家風  
北紅塔畔清明節心折高山悵望中

寄花光仁老

行盡江湖見盡山無窮氣象杳難攀  
知師筆有維摩力為我移來助解顏

仁老寄墨梅

二月八日春氣分忽見梅英枝上繁  
顛狂索酒醉復醒  
知是筆端回化元

嶺南消息報來新  
正想梅花傍酒樽  
生出兩枝遙寄我  
道人方便信多門

前年謫向新州去  
嶺上寒梅正作花  
今日霜縑玩標格  
宛然風外數枝斜

馬祖菴頭掛鉢囊  
晚隨緣出住花光  
僧繇一筆無人會  
戲作寒梅自在芳

解衣盤礴寫梅真一段風流墨外新  
依約江南山谷裏  
溪烟踈雨見精神

金張許史競東風  
魏紫姚黃醉眼中  
賓客貴人吾不預  
獨將清韻照禪宮

春晚晴光破雨回  
閒將花軸傍簷開  
爐烟細逐輕風散  
疑是香隨梅處來

道鄉集卷九



欽定四庫全書

道鄉集卷十

宋 鄒浩 撰

詩

送僧慈願遊南華

用丁葆光韻

南華老子定相親，應問三湘放逐臣。  
為報君恩似天地，

不教重作嶺南人。

南華老子乃  
智明長老

冒雪渡江遊朝陽，火星二巖既歸戲作

踏雪尋山亦自竒，歸來追想欲吟詩。  
孺人顧我忽然笑，

却道君今休更痴

元日

閤門拜表賀君王  
數載追陪鷓鴣行  
鬱鬱忽忽又元日  
望雲空斷九迴腸

其二

斑衣爵躍為親壽  
歲歲年年兄弟同  
今日瀟湘亦佳節  
獨將無語對東風

其三

此身何物比儀形風裏孤蓬水上萍莫道南來無可績  
為誰扶出老人星

其四

南來日日望新年今日新年到眼前笑語妻兒莫惆悵  
即隨歸燕上歸船

其五

寒雪欵隨殘臍盡暖風端逐早春回人間無數芳菲眼  
會見乾坤特地開

其六

紅梅閣下梅香動  
青草湖邊草色新  
鼓枻行將指歸路  
倚欄猶得會鄉人

其七

莫恠今朝雨不休  
天工着意在年頭  
塵埃浣滌須教盡  
始得風光遍九州

其八

版築何求終見起  
金滕不辯自能開  
君恩滉漾無邊際

解逐東風向我來

悼范丞相

丞相諱永州時居商山法華寺寺有祠堂崇寧二年正月二十日大祥義

霞即祠堂作佛事  
追薦予適見之

鐘銘勲業今何在  
土偶形容尚儼然  
惟有老僧心不改  
慇懃歌唄作三年

又

公騎箕尾歸天去  
我放江湖繼踵來  
邂逅招提見遺像  
尚疑東閣為賢開

贈祖澤長老

針芥相投有幾人  
故人亭畔忽相親  
四門開了無它事  
笑倚瀟湘一片春

戲澤老

用祖  
燈韻

要識漳州李秀才  
無髭無髮惡追陪  
如今熟也君知否  
不獨江西有大梅

次韻答澤老

靚面相呈是此時  
了無猶豫與狐疑  
南山雲起北山雨

爵躍掉頭吾弗知

又

高山不動白雲深一炷香凝弄水沉  
欲去復留誰會意黃鸝枝上轉新音

送澤長老往南方

枝頭挑着祖師禪走徧三千與大千  
又被草鞋勾引去善財遊處弄雲烟

招夢臣

春色集簷楹今朝興倍生一樽誰與共促駕有豪英

題仁老所畫枕屏

昔侍先君官四明往來皆向此中行昊天欲報嗟何及  
空對小屏無限情

其二

萬頃紅蕖照落暉五雲門外賀家池別來無復當時興  
二十四年空自知

其三



古堰橫空舟楫回  
曹娥江上候潮來  
全家彌月寒光裏  
日日鮮鱗醉潑醅

其四

天華寺前維小舟  
僧牕軒豁留清眸  
平湖秋霽淨如鏡  
時復輕輕飛白鷗

其五

身在九疑麓  
門當二水流  
誰知剡中勝  
朝夕助嬉遊

柄生日

南極星中見老人祥光垂照喜生春  
身如龜鶴心如石  
進德功夫常日新

示愚溪守道山主

叉手前來問我禪我無言句與人傳  
一盃茶罷抽身起  
笑指長松直上天

次韻和李餘慶

三分春色一分空莫負花前酒滿鍾  
醉裏是非渾忘却  
任它禪客自分宗

題仙居閣

丁晉公過零陵遇女真何氏未之信  
出所藏寶鏡照之見其星冠羽服身

光數道為  
建樓居

心鏡圓明照不窮  
晉公元自寶青銅  
真人外景雖能覩  
爭識希夷造化功

霞老於雲會  
堂後開小軒  
為以覽勝名之  
因示  
短句

瀟湘之勝渺無窮  
盡入西軒一覽中  
須信高山巧方便  
為人別自有家風

西鄰葛長源司錄到

名茂宗

鄰舍南來不得書  
口傳消息到吾廬  
白雲入望無休歇  
何日斑衣奉版輿

鷓鳴

老鷓聲裏度朝昏  
凶吉由來我不分  
惟有淵明心莫逆  
一函經罷醉醺醺

偶書

長折松枝為麈尾  
圓剝杉樹作茅菴  
本來面目無人識

却許江山靜處叅

望澹山

澹山形勢冠零陵咫尺拘攣去未能  
悵望煙霞今阻隔  
尚期歸路一來登

移居昭州

廣南東西四十州瘴癘莫與新昭侷  
我身多病亦知免  
陛下仁同天地流

其二

日日聞人說桂州桂州朝夕遂經由自憐罪大當踰嶺  
深荷皇恩不遠投

其三

忠孝從來不兩全兩無忠孝倍堪憐自新有路君恩重  
猶冀它時不愧天

覽鏡

覽鏡朝來心自知鼻端色動有光輝鄉邦回首見歸路  
已覺歡欣生綠衣

陳滿堂

滿堂當日亦飛昇  
金筍無根不復生  
惟有明皇留輦處  
至今雲霧半山橫

灘聲

長灘斗折轉城隅  
激浪飛聲晝夜俱  
猛訝龍驤帶雷雨  
緩疑仙會集笙竽  
吟風古木那能和  
弄影幽禽只自娛  
我已無心到天籟  
憑欄聊為一踟蹰

又

洗耳何須潁水清  
滄哇滌去有灘聲  
宮商別奏天然曲  
淡薄追還物外情  
聊與沙鷗均至樂  
謾同漁父引餘觥  
箇中一拍誰人會  
長嘯歸來煙霧生

聞州學補試

辟靡泮水舊先生  
十五餘年經自橫  
今日傳聞試多士  
尚疑身復任權衡

懷詹成老

胸中雲夢向來寬  
妙入微塵心更安  
天北梧桐正鳴鳳



江東枳棘尚棲鸞淵明可是忘三徑下惠猶能任小官  
何日相從坐金粟靜聽飛雪灑琅玕

懷霍子侔

平時咳唾落珠璣未掌絲綸亦數竒遠去天官空帳幄  
中分淮水動旌旗圍扉蕩滌民知免列位搜揚士不遺  
報國功成有餘日也應回首念流離

懷何伯震

我別家時君在牀後來南北兩相忘直饒伏枕到新歲

也勝投身居瘴鄉孤節未嘗交世俗清貧何以度星霜  
皇天默相誰窺得看取它年吾道光

懷張晉卿

年少東隣新親家奮然鱗鬣脫泥沙傳聞昨者數時弊  
想見邇來雙鬢華局上光陰聊鬪馬盃中意氣莫生蛇  
江鱸已過河鮑出淮擬從君烹菽芽

懷黃光暉

遠託同門寄好音夫君不改歲寒心因思明月共千里

亦似家書抵萬金  
美玉會開和氏璞  
高山猶祕伯牙琴  
真人訓誥知無爽  
快我它時朋盍簪

招澤老

門向山城靜處開  
更無一點舊塵埃  
葛藤尚憶龍溪老  
拄杖橫擔便可來

道傍婦

長插雙釵低繫裙  
手持青繖步如雲  
忽然退傍芭蕉立

元是前頭逢伯君

昭婦謂伯公叔  
公為伯君叔君

懷至明弟

青衫雖已被天恩  
蹙躓難趨猶杜門  
分手於今十箇月  
寄書何事一無言  
但勤藥餌寬吾母  
休費心神接廼昆  
我罪前除歸有路  
綠衣相與應簾墀

懷至遠弟

機警如君亦可人  
經營門戶不因循  
須知孝友是為政  
莫歎功名難奮身  
北塔杉松培萬本  
東臯禾黍列千囷  
爾兄倍覺歸來好  
百事無為只奉親

懷承天岑老

記得承天老古錐呵呵拍手幾人知  
年來飽飯應無數  
門外小橋真可為  
浙右普瞻圓照塔  
室中高掛建降師  
我身雖竄心如昨  
落筆猶能揮寺碑

夢秦少游

淮海維揚第一流  
三關齊透萬緣休  
真心豈復隨灰劫  
遺骨終然寄橘州  
專為流通深歎賞  
莫相鈍置豁愁憂  
覺來欲語無人聽  
屋角熒熒空斗牛

聞放歸田

天地曾無一物遺孤臣今許返庭闈黃茅瘴裏抽身出  
青草湖邊鼓棹歸衣錦還鄉難並比承顏稱壽倍光輝  
思深骨肉何由報空有精誠貫紫微

寄曾敷文

誰道衡陽鴈即回也傳書向嶺南來故人得報皇恩至  
約我同歸青眼開爽有江湖清暑氣豁無塵土溷靈臺  
功曹法掾相隨處邂逅追蹤真快哉

贈湘西琳老

八年之中三往迴道人一意金石開非干桑梓有分好  
自是針芥無嫌猜焚香說了四句偈把手直上千尺臺  
洞庭青草不我隔東吳可歸歸去來

聞霍仁仲唱名第一

吾鄉魁選久蕭條深喜高才偶聖朝天子六龍飛紫極  
狀元一鶚奮丹霄拜親此日榮誰及報國他時事更超  
四海謹然重改觀常州真是出英標

喜歸

日日思歸今得歸朝衣不着着斑衣誰人得似鄒居士  
跳出輪回無是非

喜雨

不雨人憂早晨興忽沛然早禾欣長王炎瘴敢留連氣  
象還豐歲歌謠動樂川皇恩亦如此特放我歸田

將歸先寄道鄉

自作中都吏道鄉難更居今予返田里就爾樂琴書閉



戶溫生席開窻涼滿  
裕年來通物理得計在淵魚

川漲

昨朝清露石今日漲汀灣  
翁受無邊水流來有衆山  
魚龍隨浪躍鷗鷺掠波還  
因念盈虛數高樓一破顏

山禽

何處飛來傍隱居  
就中聲與衆禽殊  
長拖緩轉嬌無力  
一似汴孫吹畫烏

憑欄

朝天坊裏朝天客  
北去朝天已賜環  
從此昭平夢不到  
賸憑欄檻看青山

修仁茶

味如橄欖久方回  
初苦終甘要得知  
不但炎荒能已疾  
携歸北地亦相宜

又

嶺南州縣接湖南  
處處烹煎極口談  
北苑春芽雖絕品  
不能消鬲禦煙嵐

又

龍鳳新團出帝家  
南人不顧自煎茶  
夜光明月真投暗  
悵望長安天一涯

得家書

烏鵲每來簷外集  
蛛絲時向眼邊明  
心知有喜尋歸路  
今日音書果見迎

又得數文書

一封黃勅下天關  
嶺表湖南釋舊跽  
吏部回頭真可笑

拾遺作伴竟同還  
張公洞裏花流水  
揚子江邊雪滿山  
更約家居多暇日  
相從莫遣鬢毛斑

懷成老

樂平主簿詹成老  
平樂流人鄒至完  
莫逆於心心古道  
不知其異異時官  
一觴一詠風光勝  
無咎無譽世界寬  
北陌東阡好歸去  
幅巾藜杖永相安

寄葛長源

平樂春陵地接連  
嶺南嶺北異風煙  
罪分輕重當如此

坐阻聲容空自憐  
天上恩書來有日  
湖邊歸路約同船  
東門取醉鄰居耳  
已辦金魚當酒錢

靜閱堂

進士王氏構堂燕居久未得名予偶散步造焉主  
人言汪朝散梁承奉頃嘗集此因名之曰靜閱堂  
且留此以見意云

左掖諸郎朝散君  
頃年於此岸綸巾  
誰知還是風炎日  
我亦來為堂上人  
菡萏波澄端自倚  
枕椰煙靜幾番新

靜中閱盡榮枯事，獨愛龍山萬古春。

龍岳蒼山正  
與此堂相望

山禽

異色殊形不可名，飛來飛去亦多情。  
只應知我歸期近，故傍書帷送好聲。

晚步

緩步隨山徑，橫前得野塘。  
倚風荷展玉，帶日鷺翹霜。  
霧歛都無瘴，天晴却自涼。  
搯筇愜新興，疑已到江鄉。

記夢

趙正夫相勞如平生，與語且訪歸田之命。  
是否答云有，即方傳無，即不傳，予以其語。

兩端又叩之云  
非誤遂作此詩

廊廟知心獨此公  
夜來寃夢忽相通  
密言新命非虛語  
所以流傳四海中

寄瑩中

天道無私果是非  
斯人如鳳中人機  
雄鷲一矢從南落  
雌領諸雛向北飛  
且與龜龍為伴侶  
未應螻蟻損毛衣  
蘆州瀕海又飛蟻最  
多故此一聯及之  
吾皇致理肩虞舜  
會見翱翔下德

輝

道鄉集卷十



欽定四庫全書

道鄉集卷十一

宋 鄒浩 撰

詩

讀丘濬寺丞天繪亭記

丘侯慶歷中進觀風感事詩百篇責為昭州職

官州人尚有識之者云剛果難犯世傳其得道尸解莫知所在

襟懷落落富經綸造命竒窮道不伸詩以百篇天上獻  
身為萬里幕中賓每聽故老談風節尚有遺文照水濱  
聞說神遊已無礙想經山頂亦逡巡

讀龍圖梅公瘡說

公景祐初以殿中丞知昭州嘗為瘡說其畧云仕有五瘡

急催暴斂剥下奉上此賦租之瘡也深文以逞良惡不白此刑獄之瘡也昏晨酣宴弛廢

王事此飲食之瘡也侵牟民利以實私儲此貨財之瘡也盛揀姬妾以娛聲色此惟薄之

瘡也有一於此民怨神怒安者必疾疾者必殞雖在穀下亦不可免何但遠方而已任者

或不自知迺歸咎于土瘡不亦繆乎

市門隱去不知年蔽蒂甘棠蔭樂川五瘡作時雖不染  
一篇留誠指其然直須鏤版人皆與庶使綿區病可痊  
更有奇方公未說上醫醫國許心傳

追感董敦逸夢授侍郎

公熙寧中為昭州平樂令題詩蓮花臺上至今

存馬元祐中罷御史為本路轉運判官上即位之初公為左諫議大夫予為左正言實同

省戶而予遷中書舍人公移尚書戶部侍郎未幾公卒

臺陟蓮花見舊篇追惟平昔倍凄然初為百里青衫短  
晚按連城白髮鮮東省聯裾驚昨夢南宮分袂忽新阡  
使公雖老猶無恙只恐投荒更我先

寄零陵令朱君陟彥明推官

前時遞角惟憂速今日郵筒只恐遲書到零陵長官處

掀然一笑有誰知

偶書

莫把形骸礙此心  
此心真體杳難尋  
太虛僅此一漚發  
方寸能容萬象沉  
無佛無人誰是我  
不來不去妙常今  
更須知有全提在  
拄杖從橫雲霧深

母氏安康郡太君生日三十韻

四月十九日

朱明初啟節分卦屬純乾善積名門久祥開  
淑質賢柔儀應月呂和氣集薰絃奕世儒風藹  
持家禮法傳乘龍

來配德采藻助承先姑耄勤朝乳功餘繹舊編卜隣嚴  
子教截髮盛賓筵萱草欣多豫鳴鳩詠不偏鄉問師肅  
穆坤道信完全自輟齊眉奉尤於內典專三車窺至喻  
一笑悟真筌榮辱忘區別優游任衆緣居常遵坦路方  
寸湛澄淵浩也端愚陋身兮數仆顛范滂蒙訓救夢得  
念慈憐放逐清湘外羈縻蒼桂邊遙知今日燕想見瑞  
爐煙弟姪紛為壽親朋儼造前焚香控南斗極目望東  
阡鸞鶴翔仙嶺龜魚動樂川安康符郡號昌熾協詩篇

計已聞消息惟新獲洗滌賜環叨霈澤衣綵即歸田省  
定深如志生成實荷天豈徒寬慮耳必是倍歡然雖阻  
隨行拜猶勝避瘴眠鵬搏九萬里椿大八千年就養逾  
曾暫承顏繼閔騫尚存誠意在終冀夙心圓永結老人  
好星光盈紫躔

寄蓬萊并示柄

皇帝如天極至公恩光來自大明宮歸田實遂平生志  
與汝難忘造化功料得安康無限喜信知理數莫能窮

吾今只候文書到便挈囊衣迎北風

桂花

丹桂從來未發花今年花發衆驚嗟  
盈盈簇蓋真珠細片片籠車美玉斜  
閭闔携香燠席綺嫦娥流影動牕紗  
乾坤着意欣逢遇收得風光向北誇

螢火

未解捐書常讀書只緣炎瘴簡編踈  
夜深螢火猶相勉無數飛光照閣居

廣南四時攝養括子

元祐中知鬱林州左朝散郎何與捐所撰印以施人

人遵用之無不安泰

仁者存心故不同四時括子廣西東蒙恩歸去雖無用  
留作韋弦戒我躬

覽鏡

三竄湖南與嶺南生涯破蕩孰能堪歸田莫慮飢寒迫  
眼下新來有卧蠶

追涼晚步邂逅張雲卿王文輔王子正三進士



同行

巷僻門多掩雞豚散不收  
後先携衆士笑語入汀洲  
太尉廟前面冠芝亭上頭  
曠然無障礙誰羨爾公侯

過張雲卿所居

發石誅茅古道邊  
儒家清占靜中天  
數番雨水添塘水  
滿目紅蓮間白蓮  
望處蒼龍蟠遠嶽  
坐來朱鷺舞祥烟  
我心本在風塵表  
偶此相羊更豁然

讀莊子

形影相隨向此居柴門終日掩清虛誰知盤礴高堂上  
自與南華遊物初

又

萬物同為一體真體真誰復見陳新今吾故我強名耳  
莫逆於心得此人

喜聞瑩中同預歸田之數

簡在天心世所知賜環欣與我同歸耦耕曩已神先受  
予近以詩寄瑩中末句云叢  
豈相從歸耦耕今遂驗矣 追路今休詠式微洗脚上

船無昨夢

瑩中寄聲有洗脚上船非公境界之語

舉頭見日有祥輝扶搖

本自南溟起只恐難淹九萬飛

栩栩軒

鄰居王子正秀才求軒名為取莊子所謂栩栩者名之示以絕句

不知覺夢不知憂物與心冥事事休此是道人真境界  
西家分得亦同遊

夢曾存之見過

疋馬來過笑且言廉州象郡亦同還今朝勅了明朝下  
盡是君王獨斷間

又

衡陽深賴帝憐之論者雖多不遠移一日一書誰管得  
人生傾倒在相知

聞歸田之命懷同廢諸公

同時廢逐十餘人我是丹書第一名方向嶺邊思往咎  
忽蒙天上許歸耕諸公想亦茅連茹此日宜皆水濯纓  
覆載恩深約圖報從今尤在罄精誠

池上

荷花荷葉滿池塘  
柄柄搖風作晚涼  
忽憶新開湖裏過  
遠船終日送清香

留題天繪亭

杖屨追隨杳冥無邊勝景集  
孤亭解衣自若誰為史  
造物難窮巧賦形  
展拓二儀成縞素  
均調一氣作丹青  
會將斷取山川手  
卷入中州挂戶庭

山鵠

大如青菜小如烏  
色亦蒼然二者俱  
嗣歲不惟催布穀

可人尤是勸提壺巧蕪琴弄端誰使追得年光賴爾呼  
萱草堂高欣屬耳筠籠隨我入東吳

遣感

我命還須我自推細微休更問蒼龜枯莖朽骨猶能兆  
豈有靈臺不了知

鷓鴣燕也

畏人常是襲人間人不能傷自往還爭似鷺凰在寥廓  
更無塵慮杳難攀

觀赦文

吾皇恭已奉三無大赦敷天孰向隅自顧歸田夙遭遇  
與人同慶倍歡呼

留別元老

不因投竄抵昭平爭得相逢一笑親塵裏妙空居士室  
琴邊聊見宰官身周顥尚以妻為累元亮惟知隱是真  
元老不娶  
不仕故云莫逆于心更何語撥開船子過牢津

偶書

去年端午尚京居骨肉團樂奉板輿今日菖蒲還薦酒  
猶於嶺表待文書

重午王文輔送米食張雲卿送新酒來因成絕

句

水糲糝子恰登門白酒持來更滿樽節物人情總堪醉  
况歸田里已承恩

競渡

坊村一處一龍船擘浪飛橈鬪欲先要識晚來誰勝捷



但聽歌吹鼓聲喧

寄俞清老

清老書云近自興教遷出夏軒且問曹溪消息如何因作此詩

卧龍前約竟悠悠依舊淮南笑不休  
落髮出家成往事從僧還俗愜新謀  
未嘗異也誰燕越相與呼之任馬牛  
一滴曹溪好消息為君船子下揚州

夢立求軒名以其面蓮池十許頃名之曰妙喜  
軒

蓮華千葉滿前開斷取應從妙喜來  
色帶日光飛縹緲

香乘風力轉徘徊休尋物外菴羅果且進池邊鸚鵡杯  
一笑真能契無染不妨遊戲挾霆雷

偶書

白晝談禪木上座清宵同夢竹夫人此心莫逆仙宮下  
一片乾坤特地新

王道人云彥和得報有歸田之命

道人新自象州來殿院從容得屢陪坐上拆書歸有日  
愁容忽作笑顏開

醉者

至化無私被遠方  
漁樵誰不似顛狂  
得錢沽酒爭酬酢  
執手高歌入醉鄉

商丘

列子載商丘之言曰人欲見其所不見視人所不窺欲得其所不得修人所不為予

心感悟遂  
作此詩

視人所不窺  
修人所不為  
奉以無愧  
忤商丘是吾師

寄勉祖道修子美祠堂

工部云亡幾百年  
精誠如在有遺編  
筆追六義回千古

名薄三光亘九天師法周流寰海內祠堂落寞楚江邊  
長官風化尊賢急想見丹青復煥然

追思去歲今日出京有作

癸未六月  
八日作

解船東下出都門候已彌年詎可論聖主只應憐舊物  
歸歟朝夕被深思

讀易

時時飛雨作清涼六月南方似北方閣上獨居無一事  
章編聊復到羲皇

偶書

白髮倚門無限情  
江湖渺渺秋欲生  
回船捩柁見歸路  
天道無私憐汝誠

王氏閣舊名拾青郡守王藻以余寓居易名來  
僊

僊宮嶺下來僊閣  
太守更名為我來  
來來既有時歸有日  
泠然從此御風回

偶書

形影相隨甫半年皇恩今日放歸田回頭一夢驚初覺  
敢把窮通更問天

又

阻奉晨昏寧孝子竄投荒遠豈忠臣今朝恩放歸田去  
留得遺蹤警後人

喜書

水北摘禾將欲了水南發瘴已皆安愔然回指瀟湘去  
感激天恩分外寬

記夢

夜夢在省中堂吏持印紙圖來呈圖上所貼姓名凡三十餘人

卜筮俱言七月嘉夜來  
魂夢更高華  
此生豈復公卿望  
惟喜斑衣早到家

聞仲殊長老化去甚異

逆行天莫測  
雉作瀆中經  
漚滅風前質  
蓮開火後形  
鉢盂殘蜜白  
爐竈冷煙清  
空有誰家曲  
人間得細聽

感懷

去年今日別庭闈  
回首庭闈未得歸  
天道人心會相契

歸歟行即被恩輝

追懷去年今日舟離潤州有作

颿出丹陽恰一年江湖陳跡慨茫然  
明明歸路留雙目只候恩書下九天

自歎

好學顏淵怒不遷犯而不校古稱賢  
伊子物觸心猶動空撫陳編倍赧然

主人忽來夾徑修籬



踈籬詰曲巧依山洞徹柴門氣象還恩釋羈留應有日  
故先通路指鄉關

大風累日不止

土人謂之稻禾風蓋  
稻禾欲熟時常如此

昭平八月稻禾風吹盡浮雲露碧空日月從今無障礙  
光明照我入天中

九日

歸田日日望恩光今日尤思返故鄉淡飯三盃菊花酒  
何妨隨俗且重陽

送擇老赴桂州龍華會

罪大投身瘴癘鄉親年老矣重難忘龍華會上俱賢聖  
為藝精誠一炷香

觀牡丹

去年寒食已為客今年寒食未還家春前莫負一杯酒  
山後聊觀三朶花

送希古

清都不敢夢中遊何況通明侍冕旒分手知從天上去

望雲深感嶺邊留三年瘴癘精神在一日功名譽歛收  
驥足風生誰絆得綠楊芳草謾高樓

攬秀軒

觀書已若觀山水今更開軒山水來岌岌雲收騰日月  
滔滔魚躍起風雷二儀歛向宵中集萬象都從筆下回  
只恐高深亦欣覽秀才尤秀出塵埃

簡君瑞覓竹葉清

通道三五如李白解醒五斗似劉伶爾來心渴鴨頭綠

應許唇霑竹葉青

君瑞酒來用前韻

蟾影舞花真窈窕  
江風吹竹是伶倫  
伶開壺日月欣浮白  
放眼乾坤得倍青

聞正夫遷門下

促膝論心十二年  
有時忠憤淚潸然  
不聞一事拳拳救  
但見三臺每每遷  
天地豈容將計免  
國家能報乃身全  
它時會有相逢日  
解說何由復自賢

予竄新州日公為給事中責命之所

經由也及予召還公已遷禮部侍郎一日見訪自言回時責命甚遽更不候簽書行之且指天作誓以明不欺意謂若來簽書必須封駁耳

### 開窓

雨師風伯倏回車今日春工得自如  
牕牖洞開除障礙  
盡教風景到吾廬

### 對牡丹

輕雲籠日雨收塵  
天作奇花照眼明  
莫道嶺邊無好況  
吾今春在洛陽城

聞鷓鴣

默默炎荒已歲餘音書那復阻  
三吳晚來何限青天出  
獨倚欄杆聞鷓鴣

觀插田

幾片空田白水中朝來俄已綠  
茸茸自憐於此留居久  
兩見插禾勤老農

佛前筍

寓居閣上忽于佛前生五筍甚可愛地  
主云閣成今年隱築堅實溝塹深潤

未嘗有此州人傳之咸謂  
吉祥為予發也作二首

基構于今政十年不容山竹暗行鞭森然五筍自何出  
盛矣文邦相與傳

和氣潛通無間斷佛光回照有因緣恩書不遠歸期近  
已覺斑衣色倍鮮

寫黃庭

來仙閣上道生成芝蒲丹田鬱鬱青不為換鵝為物役  
焚香閒自寫黃庭

黃庭窈窕在吾身洒掃塵氛集萬神但自精誠如一日

莫愁金闕不高真

高真元是世間人  
能密樞機到上清  
天地有終吾不老  
環剛猶得度羣生

羣生何事日營營  
浪以三元作五兵  
未及殘人先自賊  
幾時重得見升平

升平無象亦無名  
翼翼巍巍拱玉宸  
流澤自周人自樂  
普天同入萬年春

榕樹



榕樹能容故得名枝條環布若高城何當種滿彌天去  
永使青青庇萬生

寄陽行先

曾以高風入冕旒未聞釋耒起南州當緣我罪投荒遠  
亦使君身得滯留萬卷功名閒處立一瓢境界靜中收  
它年太史無虛美卓行還能與祖侔

聞王呂二公罷郡皆得宮觀

如謂可免矣而今亦貶去雖輕重命

數不齊要之畧相似耳

庚子同災知幾人二公華顯獨超倫比聞貶責祠宮去  
始信推移運數均勢冷有官猶是貴居閒無祿未為貧  
須知削籍投荒者惟望歸歟作幸民

以常寧鈇鑪合供政首座因用舊韻發一笑

十年流落見無由誰識江東有趙州憑仗爐煙寄消息  
定中應亦展眉頭


聞政公住庵將成輒以只麼名之并寄絕句

縱橫叅了祖師禪聊唱還鄉信此緣粥飯年來一齊足

不妨和束帶刀眠

招政首座

高歌一曲破還鄉只麼隨緣是道場  
已向承天設雙榻  
待師同快竹風涼



道鄉集卷十一

欽定四庫全書

集部

道鄉集卷十三

詳校官庶吉士臣吳烜

侍讀臣孫球覆勘

總校官中書臣朱鈐

校對官典簿臣劉景岳

謄錄監生臣林大本

欽定四庫全書

道鄉集卷十二

宋 鄒浩 撰

詩

有感

李彥弼雜詩載嘉祐中有入棲霞洞者燭

見數道世相謂曰知至道者天不殺服元氣  
者地不滅因誦此故生衆方驚異忽輕舉莫  
知所在予平生遇人指教數矣不能  
勤行之觀此有感遂作詩以自警云

真訣由來甚易明  
惟人用志不精誠  
從今謹事先生語  
何患無階朝玉清

紀夢

十二夜夢孫夢臣報予已有賜還之命後三日夢臣有簡來云昨夜夢予遣人諭以

得移信州  
豈偶然哉

夢如符節自然合吉事有開期必先天地無私人主聖  
孤臣從此望歸田

母氏誕生之日得家書喜不自勝形於鄙句

萱草留春瑞氣長二年吳越杳相望鑪煙正起依南極  
鄉信俄來自北堂委曲備聞逾獲寶歡欣遙想盛稱觴  
人心天意端如此行矣歸寧慰壽康

讀林醇中書

醇中書祝云惟絕欲平心調飲食省思慮則邪不能干此非公自重

乃為天下蒼生重也

天下蒼生如我何故人猶祝保天和奉親志意得歸路  
報國功名還釣簞已分息心隨飲啄不應平地起風波  
瑤瑤欲報安能報空向秦淮悵望多

讀錢濟明書

濟明云窮絕之域有書可觀矣不爾則日月之徙雲烟之變皆吾方

冊也言與不言皆與我會書何足道哉

無書可借即捐書日月雲煙見未除言與不言俱是着



損之又損亦非如琴邊酌何關酒濠上從容豈在魚  
為報冰華老居士吾今無欠亦無餘

讀袁東之書

袁書云常器之嘗言人生游藝無如讀醫書其益尤多又云頃官陝

西讀千金方一過極有所得敢以為獻

人生游藝亦多端莫若醫書可縱觀曾向千金深有得  
孰云三界果無安忘懷已自祛災瘴寄語尤知篤歲寒  
敢不拜嘉勤輔助保全歸去奉親歡

讀從外祖書

從外祖張牧之云惡固不可為為善復如此惟望事事節約而已

善如平路惡如巖底事前人浪自疑方寸但令無愧忤  
彼蒼何慮有偏私流言聳動知公旦削迹竒窮見仲尼  
事事存心惟節慎大哉斯語是吾師

紀夢

頃夢侍上左右如平時上方作  
字遽以筆付浩曰賜卿此筆

玉色照清都孤臣亦侍書叨蒙一筆賜恩似五年初竄  
逐雖云遠精誠自不踈皇心定垂惻行獲奉安輿

客思團茶

久矣去清班無因預匪頒殊方得高義使我失愁顏月

蒲浮雲散龍飛瑞氣還炎氛自辟易歸路見鄉關

移夾竹桃

將謂輕紅間老青元來一本自然成葉如桃葉回環布  
枝似竹枝羅列生蘭助珍羞香不斷萱留喜意色方明  
更移此本家園去歲歲花時獻壽觥

聞茉莉香

日收炎照沈沈去月放涼光冉冉回茉莉一如知我意  
併從軒外送香來

青琅玕裏白玫瑰不受塵氛天自開最好夜涼初雨過  
清香習習向人來

閒步

不出柴門半月強偶隨鷗鷺到池塘荷花蓮葉薰風裏  
一似去年無限香

鑒華亭

羣芳移自嶺南州要使兒童慎厥修看取逐時花爛熳  
即知當日罪拘留黃茆瘴裏誠難脫紫極光中偶見收

汝輩但將吾作鑒勿愁忠孝不優游

戲綵堂

歸田日月有光輝相與承顏家正肥  
萱草叢高明戶牖  
棣華枝盛照庭闈  
年年歲歲歡常在  
子子孫孫志弗違  
從此鄉評知品目  
風流不愧老萊衣

不着朝衣着綵衣  
歡然膝下永相依  
兄弟弟同真樂  
物物人人共息機  
三釜晨昏歸省定  
一時裘馬任輕肥  
長為不施其親者  
免被無窮有識譏

讀莊子人間世

卮言吾久得南華每一開編一歎嗟塵表物從何處去  
人間世自莫能加不知養虎但生事未始有回真作家  
此意于今妙相契却慙書讀謾盈車

偶書

未始有回無不可焉能

開

亦何傷得師雖晚猶堪救

萬事紛紛付兩忘

聞愈清老遊天台

不作寒巖枯木身又隨雲起別蕪城大方廣寺果隨喜  
苦集滅人應奉迎山色何如霍山色溪聲孰似偃溪聲  
莫教却被阿蘭笑此箇老翁猶相生

岑老書云遠老法堂上草深一丈矣

建隆無復舊行蹤石塔開堂得遠公衣掛六銖收法界  
草深一丈見家風也知是汝遠獅子不分饒他岑大蟲  
何日揚州船子去木蘭花裏問真空

寄上方安老

西亭會面即移船跡掃青青翠竹前目擊已知心照了  
對談何必日留連禪堂仙閣誰三界嶺月淮雲自一天  
偶此詩成更吟咏飛來鷗鷺亦欣然

敬超先

此地憑熊幾使君敬公名姓獨超羣不因健筆曾推美  
縱使忘形豈得聞詞翰莫窺真體要江山猶帶舊風雲  
我來訪古惟高義追想區區只自勤

拾遺流落困埃塵海內忘形有使君長似漢中情義篤



不同常侍死生分一時燥濕知難變萬里經營想更勤  
管鮑不忘公亦在高風猶得後人聞

寄子發

梅花春裏送君行

冬至前後梅欲開暑熱異常土人謂之梅花春

忽已芙蓉照

眼明握手定須酬故約憑欄猶切念高情下帷靜與忘  
言會扇枕涼隨喜氣生只恐懸懸亦知我有時清夢到

昭平

寄蔣彥回

澄庵一別兩炎風  
回矚瀟湘興莫窮  
木聳雲山常獻瑞

鼎收龍虎妙成功

木山丹藥皆彥回賈行之物

精神迥出拘攣外  
日

月都歸笑傲中  
聞說芝園轉增勝  
杖藜行欲遶芳叢

### 寄朱彥明

義薄雲霄世幾人  
零陵邑宰迥超倫  
能明聖主恢洪造  
曾是童兒謁紫宸  
衡嶽深蟠心不動  
重湖闊寫惠常均  
別來眉宇知何似  
日冀恩還得款親

### 寄霞老

聞說高山寺崇寧賜額新長為祝聖地無復寓居人佛  
殿焚修肅僧牕掛搭頻西來祖師意從此出埃塵

伯和見過

叅軍跋馬瘴江濱一笑相逢意轉親偶復面論前日事  
恍疑身是隔生人風隨玉塵傾新蓋暑避冰姿返舊輪  
八卦森森照歸路為君留飲判經旬

貫道

沈冥誰復似當時九陌塵中偶得之潔已已能成玉雪

為人猶自作著龜門前車馬喧喧過室內乾坤默默知  
一語不隨人事變與君陳閱豈無期

寄道林琳老

寶所從來指道林人間天上揔回心自他初不毫端隔  
悲智常隨願力深風帶洞庭供爽籟雲携紫蓋獻層陰  
會須一辨旃檀去四句偈聞師子音

寄祁陽義明

散軒蕭散萬緣空寂寂爐煙駐曉風賓主不知誰合散

江山何許自西東有時黃卷倚龕外無數碧雲生句中  
好是心如大圓鏡光能照我路岐通

師當推予命  
言歸期果驗

寄長沙何子玉

一甌難忘雪雲輕濯盡氛埃徹骨清瑞氣遶龍應滿意  
薰風留日正多情黃金照地人間肅白鶴飛泉物外鳴  
只待五湖歸興動扁舟擘浪去尋盟

寄公安令孫仲恭

得君寧獨為葭莩兩度湘中睽我殊兵擁渡江猶繾綣

颿催離寺尚躊躕  
萊公廟北民歌魯  
賈傅城東地入吳  
會面不知何日再  
但觀休顯繼龍圖

寄華光仁老

越州刺史越州僧  
曾是龍華同會人  
偶向祝融峰下過  
便從香積鉢中親  
毫端寶刹重重現  
句裏藏機一一新  
正是連天鴈回日  
此心先已到江濱

敷文

赦書該得盡量移  
君到衡陽適及期  
將謂南徐須近便

那知北望尚羈縻人情既久應相好氣候無它亦自宜  
造物此心君會否少留同我返茅茨

聖欽

人生相得貴知心況復鵠原有斷金但使連牆非異趣  
何須會面乃同襟藥囊警動蒼生念茗椀招回梁甫吟  
早晚鱸魚促歸去為君聊駐馬駸駸

正彥

東堂當日偶差肩屈指今逾二十年君作長官鄰邑內

我為遷客此江邊時乖出處宜安土道在窮通莫問天  
只恐顏宮真拜勅無因重獲奉周旋

送米

甌中如見欲生塵不待人言廩自傾雖阻負歸同子路  
且知書帖異貞卿鄰僧市井應無迹野雀堦除亦有情  
却想萬鍾安享者孰云天地極均平

鼓腹從今得果然不須稱美道州前一簞頗異山雌意  
滿鉢還同香積天糝作藜羹誇舉挾剖為釣餌戲沉淵



只疑好事傳將去飯顆興嘲有謫仙

數畝非無負郭田川途修阻故蕭然得君遠勝子輿友  
使我非無漂母憐未擬更求佳傳報且先分當酒家錢  
親朋只願長相見歸飽豐穰不計年

食荔枝

曾向新州食荔枝黃堂酒罷即言歸含香溫玉還相遇  
定是恩光照客衣

種荔枝

高堂懷核謾栽培一一紅根破綠苔  
攜入鄉邦吾第一  
風流知自嶺南來

遺酒

載酒來過亦可憐持盃先已口流涎  
香浮八桂風光勝  
波動兼金月影圓  
共醉有時依竹簟  
獨醒無復愧漁船  
此中天地尤安穩  
莫向塵埃盛處傳

道人徐清自南來  
彥和瑩中才叔並  
令寄聲

吉語傳來喜可知  
豈無神物共扶持  
但憐四載遭三黜

偶與三公作四夔海上颶風應驟息嶺邊炎瘴亦潛衰  
相從會有還歸日却向江鄉話此時

灘聲

江流隨落復隨生巧作灘聲入戶庭六律五音無不有  
人誰如我飽曾聽

喜雨

午夢初殘日正炎坐來滂沛瀉高簷涼生几席心如水  
聊拂塵編理舊籤

思聊齋

類宮聊爾耳，卒歲亦優游。昔已騰佳譽，今應屬勝流。竹聲鏘密雪，桂影弄高秋。為爾猶牽思，天涯一轉頭。

寄鄧德甫

高山頂上偶相逢，千尺孤松霜雪中。不可親踈真道廣，未嘗喜愠信心空。衡門笑詠塵方遠，太學聲名日自隆。行就車頭艤歸楫，擬將周易問窮通。

偶書

吟罷新詩復自謠欣然一笑靜中超鳴鷄吠犬芭蕉外  
欲與論心不可招

寄元老

琴邊聊現宰官身回憶來仙尚有情鳥鵲遠從簷外集  
鯉魚俄向眼中明閒將永日供黃卷靜納薰風擢紫英  
更得香山巧相對一如眉宇照人清

欲知別後事如何門巷苔生雀可羅偏稱解衣槃礴羸  
真為靜處薩婆訶鬼神密護爐中藥風雨深藏壁上梭

惟是葛藤猶入念有時西望笑呵呵

得廉彥書

九曲池邊見老僧  
君為前導啟重扃  
十年空憶揚州夢  
萬里遙瞻長者形  
龍斷真心同委吏  
天涯隨分作孤星  
何當嗚指相逢去  
珍重楞伽四卷經

元老寄惠香山

毘耶居士有神功  
斷取香山置掌中  
五分普令薰法界  
一時俱送與仙翁  
巖頭雲澹暉暉日  
洞口煙橫細細風

可但吾心今莫逆香巖於此獲圓通

道正移藿菲來

仙家春色不曾空亦有藿菲占暖風丹桂葉舒推重碧  
蟠桃花發避深紅儘教帶土培軒外行欲移根過浙中  
最好高堂歸獻壽年年光映棗花叢

題慈德寺願堂為長老宗顥作

龍隱巖前忽轉頭條然瓶錫此淹留十方法界元無限  
一片心田自有秋草木曲躬歸白足江山依位拱青眸

我來不問西來意獨喜茶香啜滿甌

白龍洞

洞門寂寂晝常陰誰識行天濟物心  
金翅影沉超永劫玉毫光現契圓音  
滂沱普潤三千界駿驟濃興一萬尋  
天子六龍方在御不應頭角閔幽深

簡何秀才求龍眼栽

頃年曾食荔枝奴補益令人智有餘  
聞說君家多此木可能分榦入吾廬



汨羅

忠潔云亡幾百秋  
汨羅江水湛清流  
是非折衷無夫子  
直至如今口未休

讀郭有道傳

隱不違親與俗  
通危言覈論絕  
宵中紛紛禁錮  
知名者何事全  
無有道風

聞市中遺火殆盡

村市纔如一小虛  
那堪回祿掃成墟  
從今七箸知何有

百沸江流淪野蔬

錐刀利害日相摩  
生火由來勢自多  
咫尺長江水何限  
不能飛灑奈炎何

何暇從容白丈人  
火邊綆缶定紛紛  
徒薪曲突非無策  
自是當時藐不聞

來仙閣

偶向人間作謫僊  
翛然來此住經年  
君臣鼎內重相合  
日月壺中獨自圓  
過惡已除丹簡上  
姓名猶在紫霞前

一朝駕却飛鸞去留得風聲舉世傳

玉虛觀

山腰制作邇來新斧鑿纔終便掩門獨殿紛紛羅杞棘  
老君寂寂看鷄豚煙凝疊嶂為香火風韻疎松作道言  
借問羽衣何處去一齊歸屋抱兒孫

土人以歸家為歸屋

存之

品目羣倫號智囊保身何事隄防青錢得謗由東府  
白簡繩愆到北堂朝散即應無所惜太夫人豈不憂傷

平生盡入禪師室到此方知道力强

澹山

目擊何人妙得知謾携斧子住巖隈  
銜花無復鳥興供  
運木有時神倒栽  
丈室每思雲外去  
蓮山長記雨中來  
憑師更展慈悲力  
早使回頭一笑開

太平

大施門開陸海中一時緇素許叅同  
縱橫只見山河露  
消息寧知車馬通  
帝網重重含寶刹  
法輪日日轉龍宮

何當去作龐居士笑指庭花問祖風

勉蕭尉秀實別刻磨崖

秀實欲于中興頌側磨崖別刻以待打碑之人

庶幾舊字可完傳于永久

忠義能令金石開至今凜凜動昭回  
彼蒼欲作無窮計此事欣逢不世才  
淨掃煙霞留健筆巧分鸞鳳過  
浯臺亦宜愛日成君志側席知名即詔來

高山

莫道高山老古錐歛令金碧照  
崖鬼神通未必輸摩詰

眼淨方能識萬回  
捧打室中紛似雨  
鼓椎堂上吼如雷  
天長地久君王壽  
從此宗風亘未來

呂四

零陵市戶呂絢以錢二十萬造  
一大舟日俟子還送至浙中

市門風義有誰知  
旋打長船待我歸  
秋入江湖正瀟灑  
歡然鳴艫去如飛

搖轉船頭順碧波  
日行五百未為多  
三湘二浙雖遼遠  
尚及家庭賞芟荷

平生親友謾紛紛  
有幾書來寂寞濱  
二十萬錢捐不惜

可憐湖外有斯人

鴻鴈嗷嗷正北飛為傳消息到庭闈不須過作風波慮  
已有新船穩送歸

瀟湘起柁出江湖日日乾坤展畫圖白酒紅魚對妻子  
鴟夷還似此行無

道鄉集卷十二

欽定四庫全書

道鄉集卷十三

宋 鄒浩 撰

詩

聞王若愚除桂帥

鸞臺鳳閣並門居同荷先皇獎眷殊  
諫草悠悠空皎日  
年華忽忽幾青蒲  
朝廷擇帥君來越  
鄉里容身我念吳  
萬事循環揔如此  
目前何必較榮枯

寄清老



自來漁父好家風一片瀟湘晚釣中伊昔放言知莫逆  
于今親到得叅同金章寂寂殘初夢汀草依依照短篷  
德秀雖亡次山在悵回青眼送飛鴻

覽鏡戲作

寒時驟熱熱時寒一等陰陽幾百般髮脫面黃肌肉瘦  
北人應作嶺蠻看

又

赤脚蠻中過一年受持讀誦日精專只應果滿同諸佛

丈六金身色瑩然

元禮

來往憧憧多故人幾能於此款柴門紅蓮綠水還初興  
青草黃茅得細論陡覺炎氛開日月坐令爽氣滿乾坤  
匪朝恩錫歸田去只恐煩君費酒樽

元禮乘釣船見訪作此戲之

一棹倏然一幅巾汀鷗集處亦逡巡功名正逐天機露  
不似釣魚船上人

九日追和去年所作

茱萸黃菊占秋光  
休歎佳時在瘴鄉  
飲罷此身歸有日

明明天子正當陽

清華閣

泉石清華世莫知  
蕭然無是亦無非  
二年於此陪鷗鷺  
收得閒中勲業歸

讀論語

仲尼初不離靈臺  
請業門人日日來  
一念圓光是論語

何須塵簡面前開

謝仁老寄所畫李長者出山相五首

虎腰黃卷動昭回  
無數人天心眼開  
不是機鋒妙相契  
是渠那肯出山來

其二

香雲郁郁覆江城  
來現開元長者身  
八十卷經都論了  
却將無說示常人

其三

碧潭秋霽禪師筆白月天空論主形是幻是真分不得  
為人重說互嚴經

其四

貝葉卷文無表示於菟曳尾不求憐昂藏豈是維摩詰  
終日相從也默然

其五

一真境界孰能忝賴有斯人作指南更賴殷勤招喚得  
不知流落在煙嵐

欽道

誰謂南方世乏人斯人見義若風生吉凶禍福略無惜  
父子弟兄同此情袖裏珠光携合浦胸中潭影到昭平  
它年野史誰操筆定以青編著姓名

讀張氏金塘阡表

同年正彥之父所葬處也表乃程忠彥所作

大筆從來不妄褒特於阡表勇揮毫當年種德已如此  
今日里門宜自高雲帶洞山常藹藹雨鍾明水轉滔滔  
追榮更有豐碑在行矣巍然壓巨鼇

聞周仲修復致仕

繼述嘉謀聖主知，拂衣緣底便言歸。  
往而能返非難事，安不忘危是識機。  
西子扁舟藏國艷，鱸魚一筋出江肥。  
公乎有地相容否，纔脫拘攣去似飛。

聞朱世英再知江寧府

歸領真祠未幾時，牙兵重展舊旌旗。  
向來孰不歌來暮，今去歡然釋去思。  
竹馬渡江騰駿足，甘棠拂戶動高枝。  
鍾山只恐違初興，徑入鴈行侍玉墀。

示長卿二絕

懾處炎荒已二年親朋書問亦茫然獨君風義能終始  
不管煙嵐肯着鞭

其二

一別和州二十年山長水闊去無緣因君說起外家事  
特地攔邊心悵然

示二黃

摩尼超出衲衣中五色隨方照不窮八萬四千清淨眼



一齊開了見真空

夜聞鳴榔

鳴榔聲響五更初恰似京城叩木魚夢裏猶疑趁朝晚  
幾回驚起攬衣裾

又

漁人於我本無情我自情生夢裏驚驚起却眠方記得  
新條不得到京城

喜書

仲冬月吉吉可知日南長至恩光期一陽火復驗內捷  
八陞圓壇嚴上儀玉輅回鑿天倍喜金鷄肆赦人均禧  
倚門朝夕可寬念緣衣歸去今其時

喜晴

一陽初欲與時亨便覺羣陰不敢行寒雨斷飛天皎潔  
冷雲收翳日晶明泥乾屐齒都無阻氣協花心倍有情  
天運回旋吾道長欣欣此際孰能名

仙宮廟

千仞巉巖一徑通可捫天處是仙宮  
嬋娟並席誰家子縹緲吹衣萬竅風  
初月淡籠眉拂拂晚雲低遶鬢  
鬢鬢邦人不復知端的但說常能助歲功

周御史廟

忠言直節動天聰名在昇平北斗中  
陰德久宜家有後光靈今與國無窮  
庭前烏集當年栢門外風生舊日驄  
公不世情應我顧一觴聊復以誠通

龍興觀有感

自罷龍興節人間幾歲窮  
偶觀塵榜暗追感御爐穹萬  
事遺高躅三清肅下風  
鈞天在何許猶冀夢魂通

枯荷

萬頃菱荷一一荒  
駢頭相倚卧池塘  
追惟弄日搖深綠  
不謂凌風折敗黃  
飢鴈飛銜投遠渚  
寒魚浮觸動斜陽  
那知凜凜梢雲者  
自有松筠傲雪霜

閒步

同長卿  
夢立

冬來風雨併今日  
偶晴明况是親朋集  
聊將笑語行青

雲隨步武朱鷺入逢迎無限欣然思都隨指顧生

泛舟

乘興扁舟過趙村滿家灘上水連雲欣然便欲尋源去  
織女機邊日未曛

又

風淨一奩水鏡雲開兩桁山屏白鷺亦知人意飛來佇  
立寒汀

登鵬高亭基

野燒無蹤知幾年故亭遺址尚依然  
巍巍穩據山千仞  
渺渺前當水一川地展雲衣深固護  
天回松蓋巧周旋  
重興棟宇非難事坐使風光集綺筵

銅池

勻疊灘頭碎石滿  
添江面清流聊向箇中兒戲不知何  
處塵浮

示長卿

君與我同庚子生連年憂患亦縱橫  
天高休說不可問

心下直須深自明  
運屬時雍人正樂  
祀嚴郊報禮初成  
滌瑕蕩垢知多少  
行矣欣欣木再榮

送長卿

有口如鉗方鮮語  
無心似水始能思  
盃中一片閒天地  
占得新陽君與知

陽朔千山與萬山  
生綃圖寫北人看  
君今款段穿雲去  
莫厭崎嶇行路難

陽朔路

雲裏峰巒千萬重中間一路與天通  
新陽已約為前導回我車輪朝帝宮

寄長卿

烏銜霽色朝迎馬蟾吐澄輝夜照眠  
日月於君已如此不須星厯問行年

偶書

朝天坊裏朝天客拱北軒中拱北人  
惟有蒼蒼知此意只應潛為啟嚴宸



寄參寥

雲岫庵頭掛鉢囊，旃檀一瓣自馨香。  
建隆消息天然別，妙總流通筆放光。  
南嶺梅花空自得，西湖漚鳥宛相望。  
師如冰淨吾如月，照入清冷知有方。

上東門外解船時，赴感汝陰師未歸。  
松塵對談能幾日，瘴鄉孤坐但忘機。  
珠騰甃社淮南冷，山折成都蜀道違。  
世事浮雲何足問，只應袖手看鴻飛。

喜捷應方成

上醫醫國有誰知且集方書捷用之疾苦一齊安樂後  
自然遭遇太平時

他處梅自十月已開爛熳獨此今方作花靚之  
欣然

驚怪江梅獨未開含芳元是待冬來新陽夙駕無多日  
已向枝頭各自催

東君消息到梅梢滿眼輕盈漸解苞遶樹更忙須百匝  
行看新樣挿雲髻

梅將喜信自天來  
光動書樓趁暖開  
花比去年真箇好  
一齊欣送我儂回

治梅圃

只有今年對此花  
此花欣送我還家  
呼童掃溉放花出  
作意相從歸去誇

中間籬障壓根蟠  
四面荆榛逼樹攢  
今日削除隨手淨  
放梅高出紫雲端

放竹鷄

鼓翅出樊籠雙飛意氣同  
便鳴泥滑滑深應竹叢叢  
善也還天性時哉屬歲豐  
弋人情已得寧復墮機中

拱梅亭

陸沉無復似當年高壓雲根氣象全  
四面山川趨指顧一時草木避蕃鮮  
垂簷鼎實須歸帝起檻龍香必動天  
自我發揮人共樂風流從此映來仙

懷長卿

香醅新撥一尊濃准擬君來笑語同  
緣底留連過初約

憑欄日日望湖中

深情知在霈恩邊肯為閒花醉後顛不是看山駐陽朔  
即應倚擔待長船

小樹

一株短短八九寸四面青青千百枝作供佛前偕瑞竹  
移根石上入銅池

小雨

梅圃初成塵土飛早來煙雨便霏微天時人事欣相得

可驗蒙恩朝夕歸

聞吳聖取還朝

庚子頻年憂患同  
君依墳土我飄蓬  
聞君已復雲霄上  
顧我須逃瘴霧中  
學校他年齊出處  
朝廷今日異窮通  
敝廬歸去無他事  
惟願時和歲歲豐

燈花甚奇

草赦今朝鑱北門  
燈花來報我蒙恩  
巧當樓閣中間立  
高出光明幾次繁  
遼絕雖然如異域  
生成本不間孤根

此身曲荷乾坤力仰荅洪私它日論

山禽

一鳥飛從何處來不如歸去聲聲催爐烟正自山閣起  
天意俄從雲路開三年至日阻為壽萬里膝下今當回  
迎祥拜貺不勝喜滿引賀酒千百杯

用老杜至日懷太白韻懷諸弟

羅拜為親壽遙知亦我思陽生萱草色心入棣華詩帝  
澤來非久萊衣戲不遲為言多置酒歸趁賞花期

懷舊

辛巳年冬導駕行朝從太廟出青城雪迎天仗徐徐舞  
日向龍顏淡淡明不待銜枚人自肅惟觀夾道喜相仍  
今朝倍復如初盛遙拱神京空此誠

至日依韻和老杜五首

歲月驚如弩發牀千官壇下又成行燔柴香藹六變樂  
奠玉殷勤三上香當日珮綺躬進酒茲辰目斷望垂裳  
端誠舞蹈無因預空想中天瑞氣長



蠻風吹鬢鬢毛斑非復登樓舊日顏  
聖主亦應憐久竄  
孤臣尤切望今還金鷄歡動欄杆外  
綵服光生骨肉間  
歸去此思何以報惟將香火祝南山

黃鍾初氣重氤氳喜色朝來便著人  
知有歸期親望我  
更無它事我思親堂前獻壽開金盞  
嶺外蒙恩戴玉宸  
一笑承顏勝六印功名豈復羨儀秦

當關無復守門催欲曉雞聲喚起來  
一炷壽香瞻白髮  
三盃賀酒寫紅灰看棚尚倚天街柳  
恩信先通桂嶺梅

但喜奉身歸膝下自餘皆是魯禽杯

慙愧君恩似日長終然傾石磴三陽休思往事追華貫  
且喜餘生脫瘴鄉俛仰自知誠自幸尊卑相守免相望  
外炎內熱從茲盡別是人間一味涼

同仲亶長卿觀梅

雨後江山欲放春更無一點舊風塵對花若不飲一盞  
却恐梅花解笑人

同長卿梅下飲茶

不置一杯酒惟煎兩碗茶須知高意別用此對梅花

張糾惠吳洞簷

茶選修仁方破碾簷分吳洞忽當筵君謨遠矣知難作  
試取一瓢江水煎

次韻和荅稷臣見貽之句

瘴癘侵凌鬢欲華鳳凰飛詔下天涯有知病骨將枯日  
忽遇靈丹躡彩霞赫赫千齡方啓運熙熙六合共為家  
此恩碎首知難報空感來篇似永嘉

次韻和李學文所示二篇

才氣無雙是隴西扁舟還指舊山溪非關呂覽難更字  
要使班輸別造梯塵外光陰歸作者道中消息在寥兮  
它年峻捷黃金榜路入三吳手重携

大明端拱赭衣紅正想豪英入彀中但使學優迎命達  
莫將年少歎途窮三秋水闊魚依藻一日天高鶴出籠  
持我此篇歸獻壽蒼梧歡動曉來風

移漢陽

漢陰丈人渾沌修漢陽居士逍遙遊中分漢水共天地  
能別此心惟白鷗

畫山

幾年密與畫山鄰今日歸航駐水濱天亦有心酬我願  
歛雲收霧日光新

三峯闊展映天長大巧由來未易量我欲移歸殿前去  
萬年千載對君王

掃成屏障幾千春洗雨吹風轉更明應是天工醉時筆

重重粉墨尚縱橫

展畫亭

畫山名聞天下山前乃無亭宇少延好事之目天其或者留以待吾正彥乎爰

形斐章用為前導落成請以展畫名之亦絲歌外一段佳事也

丹青一筆妙難窺萬古長如初畫時濃淡乾坤偏掩映  
卷舒雲霧巧追隨深藏塵表天元愛不到炎方世豈知  
展出高亭快人目捨君風韻更誰為

小舟枕上

船頭鑽入北來風繼日連宵閉短篷多少峰巒多少意

一齊收在枕屏中

登碧巖寺盧舍那瑞像閣

樓閣門開處處通毗盧出現眼光中為人重說二愚品  
巖下灘聲西北風

我自南方稽首回大千經卷出塵埃十方三世都圓了  
盧舍那尊金色開

我住蓮華法界中塵塵刹刹本來同旃檀一瓣聊興供  
吹滿巖前萬竅風

與夢立行入長安虛

恰到長安風色晴一條石徑坦然平與君曳杖尋虛去  
全似仙宮嶺下行

久不上船思上船偶然縱步是長安何須更望君平卜  
但把虛名子細看

斗米灘

灘在桂州南六十里俗傳古有僧自遠來者近桂人也舟泝灘不可上餘糧一

斗食之既盡乃登山望故鄉化而為石至今絕頂有石如僧立之狀

粥飯都來一斗糧灘前喫了倍蒼黃把如立作山頭石



何似急行歸故鄉

捍門山

揚子江頭舟楫回海門山對潤州開故鄉歸去六千里  
先入捍門山裏來

過雒山

客睡當年託雒山杜鵑聲切枕難安今朝歸向山頭過  
不見杜鵑空夢殘

苾芻曾向定中觀謂我南遷使可還過了三年方語驗

聊將一笑謝禪關

示壽寧長老如曉

十二年中獨自春  
應緣還現壽寧身  
南方衲子聞知否  
便是黃龍舊主人

三關誰復識黃龍  
大施門開振祖風  
無限人天無限眼  
一齊回向嶺雲中

師在興安我在昭  
幾年相望但雲霄  
誰知小出忽大遇  
共折青柴帶葉燒

示崇寧長老善資

五色雲中有和煙天長地久祝斯年太平一曲憑師唱  
響徹乾坤萬古傳

獨秀峰前是寶坊坐令熱惱變清凉人人認得長安路  
珍重旃檀一瓣香

與葉適正資長老同宿覺華山安福寺

覺華山下古禪宮鼎足蒲團午夜同但有鷄聲替鐘鼓  
更無僧影到簾櫳真情迥出忘情外多語都歸妙語中

轉首是誰南與北  
庭前檜栢亦生風

夜登台光亭示主人莫亢

亭據炎方第一州  
旌旗曾向此中留  
台光不逐春光改  
花影長隨桂影浮  
誰謂嶺雲收白雨  
偶然莎徑入青眸  
它年南北遙相望  
應記忽忽秉燭遊

留別興安唐叟元老推官

天繪亭邊三載夢  
石灰鋪裏一時情  
箇中不是同參得  
旬次崢嶸何日平

風前火烈逢真玉雪後大寒見老松携得此心歸北去  
與君無處不相逢

幽居不許穿雲到寶閣仍忘破曉登多少從來疑着處  
一齊分付打色僧

留別龍城山主懷義

陽朔千山復萬山最深山處是松關新詩吟罷無餘事  
一片真心雲共閒


仙閣龍城一望間每來過我不如還汀鷗猶集欄干外

應恠從今氣象閒

好事如師豈易逢  
不辭趼足訪行蹤  
揮殘塵尾知難再  
目斷碧蓮峰外峰

青天無礙本來同  
休向江邊動別容  
師似碧潭吾似月  
東西南北總相逢

三車黃葉止兒啼  
一句何人妙得知  
今日為君親說破  
滿軒風靜月明時



道鄉集卷十三